



## Allsherjarnefnd 2012

Eftirfarandi aðilar voru skipaðir í nefndina:

Hjörtur Einarsson formaður

Pálmi Guðmundsson ritari

Jónína Stefánsdóttir

Eybór Gíslason

Kristján Baldursson

Auk þess störfuðu 14 aðrir þingfulltrúar með nefndinni.

Nefndin fékk til umfjöllunar þingskjöl nr. 2, 3, 4, 5, 6, 18, 28, 30, 33, 34, 36, 37 og 44

Þingskjöl nr. 30, 33 og 44 fóru einnig til umfjöllunar í keppnisnefnd. Líflegar umræður urðu í nefndinni og fannst okkur nokkuð á skorta að sumargreinargerðir sem fylgdu greinargerðum væru nógu skýrar og vel fram settar.

Þingskjal 2. Samþykkt samhljóða

Þingskjal nr. 3 Leggur til breytingartillögu:

Breytingartillaga sem verður þingskjal 3a:

Þingskjal nr. 3a

Flytjandi: Stjórn LH

Lagt fyrir:

58. Landsþing Landssambands hestamannafélaga, haldið í Reykjavík 19. og 20. október 2012, beinir því til mennta- og menningarmálaráðherra að skipuð verði nefnd hagsmunaaðila hestamennskunnar sem búi til samræmt námsefni fyrir íslenska hestinn, allt frá æskulýðsstarfi hestamannafélaganna og upp í gegnum skólakerfið.

Greinargerð:

Ekki verður lengur búið við það að ekki sé til heilstæð menntastefna og samræmd námskrá í kringum íslenska hestinn þar sem skilgreint er hvað skuli kennt frá æskulýðsstarfi hestamannafélaganna og upp í gegnum grunn-, framhalds- og háskóla hér á landi og búa þannig til samfellu í námi í hestamennsku. Hesturinn er tengdur sögu og menningu íslensku þjóðarinnar og skiptir um leið fjölda manns miklu máli sem félagi, vinur og frístunda- og keppnistæki sem fjöldi fólks hefur atvinnu af.



Þingskjal nr. 4 Leggur til breytingu á greinargerð  
Breytingartillaga sem verður þingskjal 4a:

Þingskjal nr. 4a

Flytjandi: Stjórn LH

Lagt fyrir:

58. Landsþing Landssambands hestamannafélaga, haldið í Reykjavík 19. Og 20. Október 2012, beinir því til mennta og menningarmálaráðherra að beita sér fyrir því í samstarfi við atvinnu- og nýsköpunarráðherra að skipuð verði nefnd sem endurskoði stjórnáráðgjafi í kringum íslenska hestinn með það að markmiði að gera hana einfaldari og skilvirkari.

Greinargerð:

Gerðar hafa verið nokkrar úttektir og skýrslur af LH og ráðuneytum um stuðning ríkis, stjórnáráðgjafi og félagskerfisins í kringum hestinn þar sem fram hefur komið m.a. hversu miklu fjármagni er eytt í ýmsa þætti sem tengjast hestinum. Stjórn LH telur að stjórnáráðgjafi sé flókin og einfalda þurfi boðleiðir.

Þingskjal nr. 5 Samþykkt samhljóða

Þingskjal nr. 6 Samþykkt samhljóða

Þingskjal nr. 18 Leggur til breytingatillögu:  
Breytingartillaga sem verður þingskjal nr. 18a:

Þingskjal nr. 18a

Flytjandi: Hestamannafélagið Glaður

Lagt fyrir:

Tillaga:

58. Landsþing Landssambands hestamannafélaga, haldið í Reykjavík 19. og 20. október 2012, samþykkir eftirfarandi tillögu til lagabreytingar:

Kafla 6 um undirbúning og framkvæmd Landsmóta. Í grein 5 bætist skáletraði kaflinn aftan við:

6.5 Val hrossa og keppenda á Landsmót

Val hrossa í gæðingakeppni og keppenda í barna- unglunga og ungmennakeppni á landsmótum skal fara fram hjá félögunum eftir lögum og reglum LH um gæðingakeppni og barna- unglunga- og



ungmennakeppni. Barni, unglíngi og ungmenni er heimilt að mæta með fleiri en eitt hross í forkeppni í úrtöku sbr reglur um keppni í yngri flokkum, grein 7.7.2. Einkunnir í forkeppni skulu ávallt ráða vali hrossa á landsmót en ekki röðun úr úrslitakeppni sé hún viðhöfð. Þá er félögum heimilt að hafa tvær umferðir og gildir þá betri árangur.

*Félag sem stendur fyrir úrtökumóti eins og hér er lýst, eitt sér eða í samstarfi með öðrum félögum, getur heimilað að hestar/keppendur sem þátt taka á öðru úrtökumóti, innan tilskilins tímafrests, komi til greina við val inn á Landsmót fyrir félagið. Félagið ákveður þá um leið og auglýsir þann tímafrest sem um ræðir en fresturinn þarf að vera skemmri en sá frestur sem félögin hafa til að skrá keppendur sína á Landsmót. Einkunnir verða að vera komnar inn í SportFeng til að taka megi þær gildar.*

Greinargerð:

Snemmsumars á landsmótsári, þegar hestamannafélögin halda úrtökumót sín, er einnig mikið um kynbótasýningar sem m.a. snúast um að velja kynbótahross inn á Landsmót. Það eru því miklar annir hjá mörgum knöpum á þessu tímabili. Mörg keppnishross eru í þjálfun víðs fjarri heimahögum og fjarri úrtökumóti sem haldið er af félagi eigandans. Í sumum tilfellum getur því verið erfitt um vik að flytja hrossin langar leiðir til að taka þátt í úrtökumóti á sama tíma og knapinn þarf að sýna önnur hross á kynbótasýningu allt annarstaðar. Hér er því lagt til að ekki sé skylt að hross sem stefnt er með í gæðingakeppnina á Landsmóti séu sýnd á úrtökumóti viðkomandi félags heldur komi einnig til greina að þau taki þátt í gæðingakeppni annarstaðar, hvort sem um úrtökumót er að ræða eða ekki.

Hér er ekki verið að leggja til breytingu á því fyrirkomulagi að hvert félag eigi rétt á að senda á Landsmót ákveðinn fjölda hrossa eftir stærð félagsins. Ekki er heldur ætlast til að félög komi sér hjá því að halda úrtökumót enda gæti það bitnað á öðrum keppendum. Þessi tillaga snýst í raun um að auðvelda það ferli að finna bestu hrossin innan hvers félags til að fara í gæðingakeppnina á Landsmóti.

Allsherjarnefnd ræddi tillöguna og það voru skiptar skoðanir um hana en merihluti samþykkti að hún færi fyrir þingið með breytingum.

Þingskjal nr. 28 Samþykkt samhljóða

Þingskjal nr. 30 Leggur til að hún verði felld

Þingskjal nr. 33 Samþykkt

Þingskjal nr. 34 Samþykkt

Þingskjal nr. 36 Samþykkt samhljóða

Þingskjal nr. 37 Samþykkt

Þingskjal nr. 44 Samþykkt samhljóða